

DIE XXV. JUNII.

IN FESTO

SANCTI GULIELMI ABBATIS.

DUPLEX.

Omnia de Communi Confessoris non Pontificis
præter sequentia.

Oratio.

DEus, qui infirmitati nostræ ad terendum salutis viam in sanctis tuis exemplum, & præsidium collocasti: da nobis, ita beati Gulielmi Abbatis merita venerari, ut ejusdem excipiamus suffragia, & vestigia prosequamur. Per Dominum nostrum Jesum Christum Filium tuum.

In primo Nocturno.

Lectiões de libro Sapientia.

Justus si morte.

In secundo Nocturno.

Lectio iv.

GULIELMUS Nobilibus Parentibus Vercellis in Insubria natus, vix quartum decimum ætatis annum expléverat, cum miro quodam pietatis ardore flagrans Compostellanam peregrinationem ad

ce-

celeberrimum sancti Jacobi templum aggressus est. Quod iter una amictus tunica, ac duplici ferreo circulo praecinctus, nudisque pedibus prosecutus, asperissima frigoris, & aestus, famis, & sitis summo cum vitae discrimine perpessus est incommoda. Reversus in Italiam, novam ad Sanctum Domini sepulchrum peregrinationem molitur; sed quominus propositum exequatur, varia, atque gravissima intercedunt impedimenta, divino Numine ad altiora, & sanctiora religiosam juvenis indolem retrahente. Porro in Soliculo Monte biennium inter assiduas preces, vigiliis, chamaunnias, & jejunia commoratus; divina sub-

nixus ope, caeco lumen restituit, cujus miraculi fama percrebescente jam Gulielmus latere non poterat; quare iterum Hierosolymam cogitat, & alacris se itinere committit. R. Honestum.

Lectio v.

DEi autem monitu, qui eidem apparuit, a proposito revocatur, utilior, ac fructuosior tam apud Italos, quam apud exterarum Nationes futurus. Tum Monasterium in Virgilianni Montis Cacumine, quod deinde virginis est appellatum, loco aspero, & inaccesso miranda exaedificat celeritate. Socios deinde viros, & Religiosos adsciscit, eosque ad vivendi normam

Evan-

Evangelicis præceptis, & consiliis summopere accommodatam; tum certis legibus, ex beati Benedicti institutis magna ex parte desumptis, tum verbo, & sanctissimis vitæ exemplis informat.
R. Amavit.

Lectio vj.

Aliis deinde Monasteriis erectis, clarior in dies Gulielmi facta sanctitas, multos ad eum undique viros perducit; sanctitatis odore, & miraculorum fama allectos. Nam muti loquelam, surdi auditum, aridi vigorem, variæque, & immedicabili morbo laborantes, sanitatem ipsius intercessione receperunt. Aquam in vinum convertit, aliisque complura mirabilia

patravit; inter quæ illud non silendum, quod Muliercula ad ejus castitatem tentandam missa, in ardentibus prunis humi stratis illæsum se volutavit. De qua re certior factus Rogérius Neápolis Rex in summam viri Dei veneratiónem adducitur. Demum tempore sui obitus Regi, aliisque prænuntiato, innumeris virtutibus, & miraculis clarus obdormivit in Domino, anno salutis millésimo centésimo quadragésimo secundo.

R. Iste homo.

In tertio Nocturno.

Homilia in Evangelium.
Ecce nos reliquimus omnia, de Communi Abbatum. Missa, Os justi, de Comm. Abbatum.
Oratio propria ut supra.

DE-

DECRETUM URBIS ET ORBIS.

CUm Serenissimus Sardiniae Rex per suas peculiare litteras Sanctissimo Domino nostro Pio Papae VI. non minus pié, quam enixé supplicaverit pro extensione ad utrumque Clerum Ecclesiae universalis Officii, & Missae de Communi Confess. non Pontif. cum oratione, & lectionibus secundi Nocturni propriis; nunc denuo de mandato Sanctitatis suae revisis, & correctis sancti Gulielmi Abbatis Fundatoris Benedictinae Congregationis Montis Virginis; Sanctitas sua benigné precibus annuens, audito etiam R. P. Carolo Erskine Fidei Promotore, ad relationem mei infrascripti Secretarii, petitum Officium, & Missam recitand. ac celebrand. singulis annis die vigesima quinta Junii in memoriam ejusdem S. Gulielmi Abbatis ab omnibus tam secularibus quam Regularibus utriusque sexus Christi fidelibus, qui ad Horas Canonicas tenentur, sub ritu duplici minori, servata tamen Rubricarum dispositione, præcepit.
Die 24 Augusti 1785.

J. Card. Archinto, Præfectus.

Loco ✠ Sigilli.

Julius Maria de Somalia S. R. C.
Secretarius.

Se hallará en casa de Joaquin Minguet.